

PROVEDOR DE DIREITOS HUMANOS E JUSTIÇA



RELATÓRIU MONITORIZASAUN ESTADU EMERJÉNSIA

Períodu 31 Agostu – 29 Setembru 2021

KONTEÚDU

KONTEÚDU	2
LISTA AKRÓNIMU.....	3
RELATÓRIU MONITORIZASAUN ESTADU EMERJÉNSIA	4
PARTE I - SUSESU, DEZAFIU NO REKOMENDASAUN	6
A. Susesu.....	6
B. Dezafiu no Rekomendasaun.....	6
1. Direitu ba edukasaun	7
2. Direitu ba integridade física.....	7
3. Diseminaun Informasaun kona-ba COVID-19.....	8
4. Implementasaun no Kumprimentus ba Lei no Regras	9
5. Impaktu Ekonómiku	9
6. Fasilidade	10
PARTE II – REZUMU REZULTADU MONITORIZASAUN	11
A. Área Monitorizasaun.....	11
B. Kumprimentu ba regra distansiamentu sosiál.....	12
C. Evita Aglomerasaun	13
D. Uza Máskara	14
E. Fase Líman	15
F. Devér Jerál Kooperasaun.....	15
G. Devér Espesiál Kooperasaun ba Responsavel Rejionál, Munisipál no Lider Komunitária sira nian 16	16
PARTE III – ATIVIDADE PDHJ	17
A. Tratamentu Kesar	17
B. Monitorizasaun	17
C. Intervensaun urjente liu husi rekomendasaun espesífika ba entidade sira	18
PARTE IV – TABELA I. REKOMENDASAUN HOSI PDHJ DURANTE ESTADU EMERJÉNSIA	19
PARTE V - TABELA II. FATIN MONITORIZASAUN	23

LISTA AKRÓNIMU

COVID-19	Corona Virus 2019
DG	Decreto do Governo
DL	Decreto-Lei
DNTT	Direção Nacional Transporte e Terrestre
EE	Estadu Emerjénsia
EE-1	Estadu Emerjénsia dahuluk
EE-2	Estadu Emerjénsia daruak
EE-3	Estadu Emerjénsia datoluk
EE-4	Estadu Emerjénsia dahaat
EE-5	Estadu Emerjénsia dalima
EE-6	Estadu Emerjénsia daneen
EE-7	Estadu Emerjénsia dahitu
EE-8	Estadu Emerjénsia dawalu
EE-9	Estadu Emerjénsia dasia
EE-10	Estadu Emerjénsia dala sanulu
EE-11	Estadu Emerjénsia dala sanulu-resin-ida
EE-12	Estadu Emerjénsia dala sanulu-resin-rua
EE-13	Estadu Emerjénsia dala sanulu-resin-tolu
EE-14	Estadu Emerjénsia dala sanulu-resin-haat
EE-15	Estadu Emerjénsia dala sanulu-resin-lima
EE-16	Estadu Emerjénsia dala sanulu-resin-neen
EE-17	Estadu Emerjénsia dala sanulu-resin-hitu
EhD	Ema ho Defisiénsia
F-FDTL	FALINTIL-Forças de Defesa de Timor-Leste
KO	Konfinamentu Obrigatóriu
MAE	Ministério da Administração Estatal
MAPCOMS	Ministério dos Assuntos Parlamentares e Comunicação Social
MEJD	Ministério da Educação Juventude e Desporto
MI	Ministério do Interior
MOP	Ministério das Obras Públicas
MS	Ministério da Saúde
MSSI	Ministério da Solidariedade Social e Inclusão
MTC	Ministério dos Transportes e Telecomunicação
PAM	Prezidente Autoridade Munisipál
PA-RAEOA	Prezidente Autoridade Rejiaun Administrativa Espesiál Oecusse-Ambeno
PDHJ	Provedor de Direitos Humanos e Justiça
PNTL	Polícia Nacional de Timor-Leste
RAEOA	Rejiaun Administrativa Espesiál Oecusse-Ambeno
RG	Rezolusaun Governu
RKLM	Radio Komunidade Lian Matebian
SAS	Serviços de Água e Saneamento
SECOMS	Secretário do Estado da Comunicação Social
SIJK	Sentru Integradu Jestaun Krize
SS	Serka Sanitária
VBG	Violasaun Boa Governasaun
VDH	Violasaun Direitus Umanus

RELATÓRIU MONITORIZASAUN ESTADU EMERJÉNSIA

Períodu 31 Agostu – 29 Setembru 2021

Provedor Direitus Umanus no Justisa (PDHJ) nu'udar órgaun independente ida ne'ebé iha funsaun atu apresia no buka dalan atu atende sidadaun sira-nia kesar hasoru poder públiku, bele haree atu ida-idak la'o tuir lei ka lae, prevene injustisa no hala'o prosesu atu hadia injustisa. Órgaun ne'e iha kompeténsia ba defeza no promove direitus umanus, liberdade no garantia fundamentál sira-ne'ebé hatur iha artigu 27.º hosi Konstituisaun Repúblika Demokrátika Timor-Leste no Tratadu Internasionál Direitus Umanus ne'ebé mak Timor-Leste ratifika tiha-ona.

Espesifikamente regula iha artigu 7.º no 19.º husi Lei Nú. 3/2008, 22 Feveireiru ne'ebé estabese Rejime Estadu Sitiun no Estadu Emerjénsia, iha artigu 8.º no 9.º husi Lei Nú 18/2021, 24 Agostu, kona-ba Autorizasaun ba Renovasaun Deklarasaun Estadu Emerjénsia, no artigu 8.º no 9.º haktuir iha Dekretu Prezidente Repúblika Nú. 69/2021, 24 Agostu rekoñese knaar no kompeténsia PDHJ nian hodi defende sidadaun sira nian direitu, liberdade no garantia fundamentál sira hodi prevene katak sidadaun sira la hetan ameasa ka violasaun ruma.

Estatutu PDHJ hatuur iha Lei Nú. 7/2004, 05 Maiu, artigu 24.º, ne'ebé altera ho Lei Nú. 8/2009, fó kompeténsia ba PDHJ hodi halo fiskalizasaun no rekomendasaun, PDHJ iha kompeténsia hodi superviziona funsionamentu poder públiku sira-nia lala'ok, nomeadamente Governu no órgaun públiku relevante, entidade privada-sira ne'ebé mak hala'o funsaun no servisu públiku.

Relatóriu ida ne'e haree no observa ba implementasaun medidas no ezekeusaun Estadu Emerjénsia ba Dala Sanulu-Resin-hitu (EE-17) no aplikasaun medidas preventivas COVID-19, konforme Dekretu Governu Nú. 21/2021, 27 Agostu ne'ebé alteradu husi DG Nú 22/2021, 9 Setembru.

Aleinde ne'e, Governu prevee mós medidas preventivas hodi mitiga kontájiu COVID-19 hodi hamosu Rezolusaun Governu (RG) hodi limita as seremonia funerál (hakoí mate)¹ sira no RG ne'ebé mantein impozisaun Serka Sanitária iha munisípiu sira mak hanesan Dili, Baucau, Covalima no Ermera no RG ne'ebé mantein impozisaun Konfinamento Obrigatorio (KO) iha munisípiu Dili. Munisípiu sira ne'e hetan atensaun maka'as tanba iha aumentu ba propagasaun husi COVID-19 ba populusaun. RG sira kona-ba impozisaun SS no KO ne'ebé aprovalu durante períodu EE-17 iha tabela hanesan tuir mai ne'

Tabela Rezolusaun Governu kona-ba Serka Sanitária no Konfinamentu Obrigatóriu

Munisípius	Serka Sanitária (SS)	Konfinamentu Obrigatóriu (KO)
Dili	Rezolusaun Governu N.º116/2021, 27 Agostu. Rezolusaun Governu N.º124/2021, 8 Setembru Rezolusaun Governu N.º127/2021, 22 Setembru	Rezolusaun Governu N.º 115/2021, 26 Agostu Rezolusaun Governu N.º 119/2021, 01 Setembru

¹ Resolução do Governo N.º128/2021 de 22 de Setembro.

Ermera	Rezolusaun Governu N.º117/2021, 27 Agostu.	
	Rezolusaun Governu N.º113/2021, 8 Setembru.	
Oe-Cusse	Rezolusaun Governu N.º118/2021, 27 Agostu.	
Ambeno		
Manufahi	Rezolusaun Governu N.º120/2021, 01 Setembru	
Baucau	Rezolusaun Governu N.º113/2021, 25 Agostu	
	Rezolusaun Governu N.º122/2021, 8 Setembru	
Covalima	Rezolusaun Governu N.º114/2021, 25 Agostu	
	Rezolusaun Governu N.º123/2021, 8 Setembru	

PARTE I - SUSESU, DEZAFIU NO REKOMENDASAUN

A. Susesu

Dekursu EE-17 PDHJ kontinua nafatin hala'o nia funsaun hodi halo monitorizasaun ba regras EE no medidas prevensaun COVID-19 bazeia ba Dekretu Prezidente Repúblika Nú. 69/2021, 24 Agostu² no Dekretu Governu Nú. 21/2021, 27 Agostu ne'ebé alteradu husi DG Nú 22/2021, 9 Setembru³, ne'ebé aprova medidas ezekusaun ba Deklarasaun EE-17. PDHJ garante kontinua servisu hodi halo defeza no fiskalizasaun ba direitus, liberdades no garantias fundamentais sidadaun sira nian. No mós garante katak entidades relevantes sira nia responsabilidade tuir nafatin prinsípiu direitus umanus no governasaun di'ak durante implementasaun EE-17.

PDHJ rekoñese nafatin esforsu no servisu hotu ne'ebé maka Governu no Parseiru Dezenvolvimentu Nasionál no Internasionál sira halo ona atu garante nafatin katak Timor-Leste iha kapasidade atu responde no hatan ba problema relasiona ho COVID-19 ne'ebé agora dadaun hada'et no espalla barak liután iha munisípiu hotu iha Timor-Leste. Nune'e mós PDHJ elojia nafatin intervensaun no servisu Governu nian liu-liu pesoál saúde ne'ebé kontinua nafatin fahe informasaun ba comunidade kona-ba COVID-19 no mós ba pasiente sira bainhira sira rekupera husi COVID-19.

PDHJ mós apresia ba esforsu Ministériu Saúde no SIJK ne'ebé kontinua halo intervensaun mitigasaun COVID-19 liuhusi dalan fornese vasina no kontinua fahe informasaun kona-ba vasina ba sidadaun hotu hodi hasa'e imunidade hodi bele hasoru moras COVID-19. Apresia mós ba esforsu husi MAPKOMS ne'ebé tun direta ba munisípiu Aileu hodi enkoraja comunidade sira ba simu vasina⁴.

Apresia mós ba servisu PNTL ne'ebé kontinua halo diseminasaun ba comunidade sira liliu iha vias públicas no mós liña ministeriais relevantes sira partikularmente SEKOMS, MAE liu husi PAM to ba Suku ne'ebé kontinua sosiáliza medidas prevensaun COVID-19 liu husi poster sira iha sede Suku, inklui mós komersiantes sira hanesan Supermerkadu, BNCTL, BNU, BRI no Bank Mandiri ba sosiálizasaun liu husi banner no pratika prevensaun hanesan fase liman, uza máskara no distánsia sosiál wainhira atividades hala'o.

B. Dezafiu no Rekomendasaun

Iha implementasaun EE-17, PDHJ kontinua halo monitorizasaun iha Munisípiu sira hanesan: Ainaro, Baucau, Bobonaro, Covalima, Dili, Ermera, Lautem, Manatuto, Manufahi no Oe-Cusse. Munisípiu sira seluk PDHJ la halo monitorizasaun relasiona ho rekursu finanseiru ne'ebé limitadu.

PDHJ mós identifika dezafiu iha terenu no mós halo rekomendasaun ba órgaun competente atu bele implementa hodi responde ba dezafiu sira ne'ebé mak identifikadu ona. Tuir mai mak apresenta informasaun ho detallu kona-ba dezafiu no rekomendasaun hirak ne'e:

² Renovação da declaração do estado de emergência em todo o território nacional para o período compreendido entre 31 de agosto e 29 de setembro 2021.

³ Medidas de execução da declaração do estado de emergência efetuada pelo Decreto do Presidente da República N.º 69/2021, de 24 de agosto.

⁴ Jornal independente 4 abril 2021 (MAPKomS relata susesu kampaña iha Munisípiu Aileu ba PM Taur Matan Ruak)

1. Direitu ba edukasaun

Durante implementasaun EE-17, observasaun PDHJ nota katak kestaun ekonomia familiár kontinua difíkulta estudantes sira ne'ebé hela iha área rurál hodi asesu ba aula online tanba laiha osan hodi sosa telefone, laptop, inklui velocidade internet ne'ebé prejudikadu tebes.

Iha loron 9 Setembru Governu altera medidas ezekusaun DG Nú 21/2021, 27 Agostu ba dahuluk liuhusi DG nú 22/2021⁵ hodi reativa fila fali aula prezensiál ba ensinu superior, maibé Ensину sekundáriu iha Dili no Ermera kontinua suspende, situasaun refere sei nafatin hamosu dezafius ba estudantes no profesores sira tanba kestaun inkumprimentu ba regra prevensaun COVID-19 no vasinasaun hodi prevene transmisaun moras refere.

Iha parte seluk, PDHJ observa liu husi jornál Diariu no Independente maka detekta katak iha eskola ESJ 4 Setembru Diretór hasai avisu no husu ba MEJD hodi la fó saláriu ba profesores sira ne'ebé lasimu vasina⁶, PDHJ mós observa iha jornál Timor Post no detekta katak estudante ne'ebé la vasina bandu atu tama aula⁷.

Tan ne'e iha EE-17, PDHJ rekomenda ba MEJD liu husi karta Nú Ref: 274/PDHJ/IX/2021 hodi fó oportunidade ba manorin sira ba simu vasina maibé labele obriga no husu atu kolabora hamutuk ho MS relasiona ho diseminasaun prevensaun COVID-19 liu-liu vasinasaun hodi hasa'e konxiénsia públika espesifikamente profesores sira hodi asegura prevensaun hada'et moras refere.

PDHJ mós kontinua rekomenda ba Governu partikularmente MEJD hodi kria meius ne'ebé própriu hodi fasilita estudante sira einjerál iha prosesu aprendizazen ka eskola ba uma no laiha impedimentu hodi nune'e garante nafatin estudante hotu sira nia direitu ba edukasaun. Hanesan mantein oras hanorin (online ba estudante sira durante aplikasaun EE) no mós rekomenda nafatin ba MEJD atu garante orsamentu disponivel iha setor edukasaun hodi responde ba programa MEJD nian durante implementasaun EE.

2. Direitu ba integridade fizika

Durante EE-17, PDHJ liu husi Delegasaun Teritorial Oe-Cusse monitoriza kona-ba política implementasaun vasinasaun obrigatória ba manorin sira husi Sekretaria Rejionál Edukasaun no SS RAEOA, PDHJ ezerse nia kompeténsia relasiona ho política refere no haruka ona karta Nú Ref 272/PDHJ/IX/2021, sujere ba autoridade competente iha RAEOA atu fó oportunidade no enkoraja manorin sira hodi simu vasina maibé labele obriga tanba bele afeta ba ema nia direitu integridade fizika no mós husu atu revoga regras refere hodi kria mekanizmu adekuaду liu husi diseminasaun hodi konvense manorin hotu-hotu nia konxiénsia.

PDHJ kontinua rekomenda ba Governu atu kria mekanizmu ida adekuaду liuhusi diseminasaun husi parte hotu-hotu nian hodi konvense ema hotu-hotu ninia konxiénsia komun ida hodi hetan protesauн liuhusi vasina kontra COVID-19, nune'e labele obriga fali ema hotu-hotu hodi la viola ema nia direitu ba integridade fizika tanba previzaun legál iha artigu 2 alínea b) ne'ebé mak konjuga ho artigu 6.º alínea b) husi Dekretu Prezidente N.º 69/2021, 24 Agostu no husi Lei n.º 18/2021, 24 Agostu, katak deklarasaun estadu emerjénsia la afeta, ema nia direitu ba integridade fizika. Aleinde ne'e, labele

⁵ Jornal Nasional Diariu, 15 Setembru 2021 (Governu reativa aula prezensiál ba ensinu superior)

⁶ Jornal Diariu Independente tersa, 28 setembru 2021 (Profesor lasimu vasina)

⁷ Jornal Timor Post, sesta 17 Setembru 2021 (Estudante la simu vasina la tama aula)

viola mós direitu funsionáriu sira nian ba servisu (artigu 50.º KRDTL), hodi lasimu saláriu ba sira ne'ebé la simu vasina maibé lista prezensa sirkula hanesan baibain.

3. Diseminaun Informasaun kona-ba COVID-19

Iha EE-17, PDHJ observa husi media STL⁸ kona-ba mate isin COVID-19 iha Baucau Tirilolo família matebian koopera ho servisu saúde munisípiu Baucau hodi foti mate isin ne'ebé rai demora iha sala izolamentu, Relasiona ho kazu ida ne'e PDHJ sujere ba Ministeriu kompetente (MS) hodi halo polítika melloramentu espesifikamente destaka pesoal saúde sira iha Sentru Saúde sira hodi fó atendimentu lalais.

Relasiona ho dados óbitu COVID-19 ne'ebé atinji ona atus-ida (100)⁹ estatistikamente grafiku sa'e ba beibeik tanba ne'e Governu liu husi MS, SIJK no MAPKOMS kontinua fó atensaun ba diseminaun prevensaun COVID-19 liu husi diseminaun simu vasina iha teritóriu hotu inklui RAEOA hodi bele konvense no hasa'e konxiénsia pública atu nune'e comunidade einjerál ba simu vasina iha sentru saúde ne'ebé kolaka iha fatin pertinente sira.

PDHJ observa liu husi jornal nasional Diariu¹⁰ nota katak maské Autoridade Munisípiu Bobonaro aviza ba comunidade hodi partisipa iha kampaña vasinasaun kontra COVID-19 iha kuarta (15/09/2021) konsege comunidade sira partisipa iha dadersan maibé tanba tauk swab test comunidade sira fila hotu hodi la partisipa iha prosesu implementasaun kampaña vasinasaun kontra COVID-19. Ho faktus hirak ne'e, PDHJ husu ba MS no MAPKOMS hodi kontinua halo diseminaun regulár ba hasa'e konxiénsia comunidade iha munisípiu refere.

Tuir medidas preventivas ba surtu COVID-19 ne'ebé Governu estabelese katak atu atravesa SS la presiza husu autorizasaun basta komprova katak iha ona vasina daruak ne'ebé mak reforsa liután husi Sr. Primeiru Ministru nia diskursu katak vasina dala rua bele lao livre ona maibé implementasaun iha terenu autoridade relevantes sira impoin regra diferente ho medidas preventivas refere hodi obriga sidadaun hotu-hotu inklui sira ne'ebé hetan ona vasina kompleta atu submete ba swab test ba sira ne'ebé maka atu atravesa SS.

Bazeia ba kestaun hirak ne'ebé previstu PDHJ rekomenda ba Governu espesialmente ba Ministériu Saúde no PNTL atu kria sinerjia ida ne'ebé orientadu hodi implementa no publika informasaun ida ne'ebé konsistente bazeia ba medidas preventiva sira liuhusi DG no RG no mós direitu ba sidadaun hotu atu hetan informasaun ida ne'ebé loos bazeia lejislasaun sira ne'ebé vigór (KRDTL¹¹ no Dekretu Lei¹²).

⁸ Suara Timor Lorosa'e, 14 setembru 2021 (Baucau, Família matebian koopera ho servisu Saúde Munisípiu Baucau voluntariamente ba foti mate-isin COVID-19 nian tanba lakohi demora sai dodok iha sala izolamentu eis SPK Tirilolo)

⁹ Jornal Nasinal Diariu 16 Setembru 2021 (Timor-Leste atinji ona 100 óbitu COVID-19)

¹⁰ Jornal Nasinal Diariu 16 Setembru 2021 (Tauk swab test, comunidade suku Lima-Bobonaro la partisipa iha kampaña vasinasaun kontra COVID-19)

¹¹ KRDTL, Artigu 40, Liberdade ba Espresaun no Informasaun (1) Ema hotu hotu iha direitu ba liberdade ba espresaun no direitu atu informa no hetan informasaun ho izensaun. (2) Liberdade ba espresaun no liberdade ba informasaun nia ezersisiu labele hetan limitasaun h o sensura naran oin ida.

¹² Dekretu Lei Nú 32/2008, Artigu 20.º *Direito dos Interessados a Informação*.

4. Implementasaun no Kumprimentus ba Lei no Regras

Iha EE-17, bazeia ba rezultadu monitorizasaun no observasaun PDHJ kona-ba implementasaun regra EE no kumprimentu comunidade einjerál seidauk iha konxiénsia komun hodi kumpri ba implementasaun regras EE,SS, no KO atu prevene moras COVID-19 no Variante Delta no hakotu transmisaun virus iha Timor-Leste atu labele afeta ba ema hotu nia saúde. Kestaun hirak ne'e tanba laiha seriedade no kontrolu másimu husi autoridade seguransa no autoridade relevante.

PDHJ rekomenda ba Governu liu husi ministériu relevantes (MI) no espesifikamente ba instituisaun F-FDTL no PNTL hodi reforsa seguransa iha fronteira hodi prevene movimentu ilegál iha fronteira relasiona ho transmisaun COVID-19 no Variante Delta iha Timor-Leste.

Haree mós ba faktu katak durante ne'e katak Ministériu Saúde emite ba sertifikadu livre sirkulasaun ba comunidade sira ne'ebé mak rekuperadu ona husi moras COVID-19 ne'ebé mak la abranje ka la temi iha medidas Serka Sanitária ne'ebé mak Governu hasai, hodi kria fali konfusaun ba dokumentus válidus ba sirkulasaun. Tuir medidas Serka Sanitária implementadu iha munisípiu sira tuir Rezolusaun Governu mak hahú husi fulan Maiu estabelese ona livre sirkulasaun ba ema sira ne'ebé mak hatudu kartaun vasina kompleta kontra a SARS-Cov-2/COVID-19 no labarik ho tinan 6 ba kraik, maibé laiha previzaun ida ba sertifikadu livre sirkulasaun fomesidu husi MS ba ema sira ne'ebé rekuperadu ona husi virus refere.

Nune'e, liuhusi relatóriu monitorizasaun mak PDHJ rekomenda ba Primeiru Ministru atu halo inklusaun ba livre sirkulasaun ba comunidade ne'ebé iha ona sertifikadu livre sirkulasaun husi MS ba ema sira ne'ebé mak rekuperadu ona husi moras COVID-19. Hodi akresenta previzaun legál ba livre sirkulasaun ba sira ne'ebé hetan ona sertifikadu livre sirkulasaun hamutuk ho ema sira ne'ebé mak hetan ona vasina doze kompleta ho labarik inferior tinan 6 hodi inklui ho iha medidas Governu ba serka sanitária, atu nune'e bele evita konfusaun no garante aseitasaun dokumentu refere nu'udar dokumentu válidu ba sirkulasaun.

5. Impaktu Ekonómiku

Dekursu implementasaun EE PDHJ observa katak perspetiva ekonómia Timor-Leste iha 2021 kontinua hasoru dezafius boot tanba limitasoens orsamentu estadu nian durante EE, inserteza política inklui impaktu global husi surtu COVID-19 ne'ebé direktamente hamosu impaktu ekonómiku ba família barak espesifikamente ba comunidade vulneravel sira ne'ebé moris iha mukit nia laran no enfrenta nafatin situasaun hamlaha tanba aplikasaun SS no KO.

Ho nune'e, PDHJ kontinua rekomenda ba Estadu liuhusi Governu espesifikamente ba Ministériu relevante hodi kontinua nafatin hala'o esforsu másimu hodi haree fila fali ba medidas hirak ne'ebé implementa durante EE-17, hodi bele kria kondisaun atu hatán ba preokupasaun comunidade relasiona ho nesesidade bázika ne'ebé hetan impaktu husi aplikasaun SS no KO no kontinua rekomenda ba Governu atu aselera distribuisaun ba alimentus sira ne'e ho lais no efikás nune'e bele responde nesesidade populasaun sira ne'ebé oras ne'e presiza hela tulun. Iha alterasaun dahuluk ba Lei N.º 14/2020 kona-ba OJE 2021 liuhusi Lei n.º 8/2021, 3 maiu, ne'ebé mak estabelese iha artigu 18.º kona-ba akizisaun alimentus ba ema no família ne'ebé mak presiza aihan.

6. Fasilidade

PDHJ iha EE-17 kontinua observa fatin edifisiu públiku¹³ no merkadu sira laiha kontrolu ka manutensaun ba instalasaun tanki, bee no sabaun hodi fase liman, no mós laiha ekipamentus ne'ebé mak tau iha fatin refere hodi bele uza wainhira mosu problema saúde ho ema ne'ebé mak simu vasina.

Ho faktu hirak ne'e mak PDHJ rekomenda ba Governu atu kria kondisoens hodi prepara ekipamentus ba primeiru sokoru nesesáriu hodi fó apoiu lalais ba populasaun sira ne'ebé hetan impaktu negativu makaas ba reasaun husi vasina atu garante intervensaun ida lalais husi ekipa ne'ebé realiza vasinasaun iha fatin vasina iha territóriu Timor-Leste no mós tanki bee no sabaun fase liman iha fatin instalasaun sira hodi apoiu comunidade einjerál ba evita transmisaun COVID-19.

PDHJ mós rekomenda ba Governu hodi kontrola no halo manutensaun ba tanki bee no prepara kondisaun ida ne'ebé bele garante hodi prevene transmisaun surtu COVID-19 iha fatin hanesan merkadu tanba iha potencialidade boot ba transmisaun iha fatin refere.


¹³ Fatin edifisiu públiku iha tabela aneksa

PARTE II – REZUMU REZULTADU MONITORIZASAUN

Durante implementasaun EE-17, PDHJ hala'o monitorizasaun hodi haree kumprimentu komunidade sira nian kona-ba implementasaun regras EE ho medidas prevensaun COVID-19 ne'ebé mak Governu Timor-Leste estabelese tuir Dekretu Governu Nú. 21/2021, 27 Agostu¹⁴, ne'ebé alteradu husi DG Nú 22/2021, 9 Setembru¹⁵ ne'ebé monitoriza liu ba regras sira hanesan distansiamentu sosiál, devér jerál kooperasaun no mós ba devér espesiál kooperasaun ba responsavel rejionál, munisipál no lideransa komunitária sira nian. Nune'e, PDHJ halo mós monitorizasaun ba Rezolusaun Governu (RG)¹⁶ kona-ba SS ne'ebé implementa iha Munisípiu Dili. Aleinde ne'e, PDHJ mós tuir no observa asuntu hirak ne'ebé relasiona diseminasaun prevensaun COVID-19 (vasinasaun).

A. Área Monitorizasaun

Durante EE-17 tuir Dekretu Prezidente Repúblika Nú. 69/2021, 24 Agostu 2021 PDHJ halo monitorizasaun ba regras EE, medidas prevensaun moras COVID-19 husi Dekretu Governu Nú. 21/2021, 27 Agostu 2021, ne'ebé alteradu husi DG 22/2021, 9 Setembru, regras SS no mós KO. PDHJ halo observasaun ba munisípius sanulu (10) no RAEOA iha fatin sira ne'ebé mak iha potencialidade ba inkumprimentu medidas prevensaun COVID-19 hamutuk limanulu-resin-walu (58)¹⁷.



¹⁴ Governu aprova medidas ezekusaun deklarasaun EE iha momentu sei aplika KO iha munisípiu Dili hodi proibi atividade sira hanesan: eventos sosiais, kulturais no desportivos(artigu 13.º), eventos relijiozus (artigu 14.º) no mós prevee realizasaun funeral hodi limita partisipasaun to'o ema nain sanulu (artigu 15.º).


¹⁵ Alterasaun dahuluk ba medidas EE maka halo mudansa ba artigu 13.º, 14.º no 15.º ne'ebé permite realizasaun atividades sosiais, kulturais, desportivos, relijiozus no mós altera regra ba partisipasaun iha funeral mak evita ho possibilidade ba formasaun aglomerasaun ema nian.

¹⁶ RG Nú 116/2021 (*Mantém a Imposição de uma cerca sanitaria no Municipio de Dili*)

¹⁷ Detallu iha tabela II. aneksa

Bazeia ba grafiku previstu demostra katak husi fatin hamutuk limanulu-resin-walu (58) iha EE-17 PDHJ monitoriza fatin servisu públiku hamutuk tolunulu-resin-lima (35) ka maioria ho 60% kompara ho vias públicas hamutuk hitu (7) ka 12% para aleinde merkadu hamutuk haat (4) ka 7% no komérsiu hamutuk haat (4) ka 7%. Detallu hanesan iha grafiku previstu.


B. Kumprimentu ba regra distansiamentu sosiál



PDHJ halo observasaun kona-ba distansiamentu sosiál tuir regras EE-17 artigu 16 nú. 1 alínea a).¹⁸ prevee distáncia sosiál metru ida ho ema seluk. Bazeia ba gráfiku ne'e amostra nota katak husi fatin sira ne'ebé PDHJ kobre limanulu-resin-walu (58) hodi halo monitorizasaun ba kumprimentu regra EE einjerál ho 53% comunidades eijeral la kumpri distansiamentu sosiál iha fatin pertinenente ne'ebé sira hala'o movimentu ka atividades no iha 47% comunidades kumpri distansiamentu sosiál iha sira nia atividades lor-loron. Espesifikamente iha fatin servisu públiku hamutuk sanulu-resin-lima (15) lakumpri hodi mantein distansiamentu sosiál maibé iha ruanulu (20) kumri hodi mantein distansiamentu sosiál. Maské labandu distansiamentu sosiál iha vias públicas maibé PDHJ konsidera nafatin hanesan fatin potenciál ba transmisaun COVID-19, Husi análise ida ne'e PDHJ observa katak funsionáriu públiku iha instituisaun Estadu mós seidauk iha konxiénsia totál hodi kumpri regra EE. Detallu iha grafiku previstu.

¹⁸ “a) Manter uma distância de, pelo menos, um metro relativamente a outros indivíduos com os quais não vivem em economia comum”.

C. Evita Aglomerasaun



Durante EE-17 PDHJ monitoriza DG 21/2021, 27 Agostu, ne'ebé alteradu husi DG 22/2021, 9 Setembru¹⁹ no espesialmente artigu 13 Nú 1²⁰ & 2²¹, Art 14²², Art 15 no Art 16 nú 1 (d)²³ hodi observa kona-ba kumprimentu comunidades sira halibur malu iha fatin proibidu relaciona ho regra EE ne'ebé bandu hodi halibur malu iha fatin sira ne'ebé iha potencialidade ba transmisaun COVID-19. Tan ne'e bazeia ba dadus ka gráfiku previstu PDHJ haree katak maské iha fatin edifisiu públiku labandu halibur malu maibé PDHJ nafatin konsidera katak fatin refere iha potencialidade ba transmisaun tanba funsionáriu no comunidades einjerál mai husi fatin diferenca signifika iha possibilidade hada'et moras refere wainhira hala'o atividade atendimento,

Tan ne'e PDHJ halo monitorizasaun iha fatin sira mak hanesan: iha vias pública, eventu sosiais, kulturais, desportivos, relijiozus no funerais maka haree katak laiha kumprimentu ba evita aglomerasaun, espesifikamente hanesan serimonia funeral, kompara ho kumprimentu husi funsionáriu públiku estudante no comunidade einjerál maioria iha kumprimentu hodi evita halibur malu wainhira halo atendimento públiku. Tanba ne'e bazeia ba grafiku previstu amostra katak iha kumprimentu 60% kompara ho laiha kumprimentu 40%

¹⁹ Alterasaun dahuluk ba medidas ezekusaun mak fô flexibilidade ba realizasaun atividades sosiais, kulturais, desportivos, relijiozus no mós funeral, ne'ebé ho kondisaun atu respeita nafatin regras ba distansiamentu sosiál no mós regras ne'ebé estabelecidu husi OMS kona-ba partisipasaun ba atividade funeral ne'ebé reflete realidade tuir tradisaun Timor-Leste nian hodi la limita número ema ne'ebé participa serimónia funebre.


²⁰ Proibi realizasaun ba kualkér eventos sosiais ka kulturais ne'ebé implica aglomerasaun ne'ebé altera katak permite eventos refere maibé ho kondisaun atu respeita nafatin regras ba distansiamentu sosiál.

²¹ Proibi realizasaun ba atividades desportivas individuais ka coletivas, iha via pública ka iha em resintus, públicos ka privadas ba utilizasaun coletivas, maibé ho alterasaun dahuluk husi medidas EE mak permite realizasaun atividades refere ne'ebé ho kondisaun atu respeita nafatin regras ba distansiamentu sosiál.

²² Proibi realizasaun sira ba kualkér selebrasoens relijiozus no eventu sira kona-ba kultu ne'ebé implica ema nia aglomerasaun, maibé ho alterasaun mak permite hikas realizasaun ba atividades refere no presiza evita halo aglomerasaun no kontinua respeita distansiamentu sosiál ne'ebé mak Governu Timor-Leste estabelese ba ema hotu-hotu nia kumprimentu.

²³ Evita formasaun ba ema sira-nia aglomerasaun iha via pública.


D. Uza Máskara



Bazeia ba regra EE-17 artigu 16 Nú 1 & 2 alineab)²⁴ kona-ba kumprimentu uza máskara PDHJ observa katak husi totál fatin monitorizasaun hamutuk limanulu-resin-walu (58) ne'e maioria 72% comunidades einjerál iha kumprimentu total hodi uza máskara wainhira hala'o atividades maibé pelukontrariu iha 28% maka laiha kumprimentu, espesifikamente iha fatin servisu públiku funsionáriu no comunidades einjerál iha kumprimentu hodi uza máskara wainhira hala'o servisu ka atividades atendimento públiku, entertantu iha fatin sira hanesan Komérsiu no relijiozu, maioria comunidade kontinua kumpri wainhira atividade hala'o. Maské labandu hodi lauza maskára iha vias públicas maibé PDHJ konsidera nafatin hanesan fatin potenciál ba hada'et moras COVID-19 tanba movimentu sira ne'ebé PDHJ observa direta iha terenu maioria movimentu comunidade sein uza máskara, situasaun hanesan ne'e hatudu katak iha possibilidade boot hada'et moras refere. Detallu hanesan iha gráfiku previstu.

²⁴ Utilizar máscara facial que cubra o nariz e a boca quando tenham que aceder ou permanecer em recintos públicos ou privados de utilização coletiva.

E. Fase Liman



Iha EE-17 ne'e PDHJ kontinua halo observasaun kona-ba kumprimentu comunidades einjerál relaciona ho kumprimentu ba fase liman wainhira hala'o atividade tuir artigu 16 nú. 1 alínea c.²⁵ Husi fatin sira ne'ebé identifikadu hamutuk limanulu-resin-walu ne'e PDHJ observa direta iha terenu katak iha 74% husi fatin previstu maioria estudantes, funcionáriu públiku ou comunidades einjerál iha kumprimentu hodi fase liman wainhira hala'o atividades maibé fatin sira ne'ebé mensiona iha gráfiku iha 26% husi lakumpri regra ne'ebé rigór. Hanesan iha fatin edifisiu públiku iha ruanulu-resin-hitu (27) maka iha kumprimentu ba prepara facilidades hanesan beé no sabaun inklui funcionárius no comunidades sira kumpri hodi fase liman wanhira hala'o atendiementu maibé iha fatin walu (8) maka lakumpri ba prepara facilidades sira hanesan beé no sabaun hodi fase liman.

Para aleinde ne'e maské labandu hodi fase liman iha fatin via pública, transporte públiku no vendedores ambulantes maibé PDHJ haree katak fatin hirak ne'e iha potencialidade boot tebes ba transmisaun surtu COVID-19 tanba comunidades mai husi fatin diferentes no hamutuk iha fatin ida hanesan iha transporte públiku, no mós movimentu iha via pública inklui atividades transaksaun husi vendedores ambulantes tanba iha possibilidade moras refere bele hada'et liu husi osan tahan ka osan besi ne'ebé husi liman ida ba liman seluk ke deskonfia laiha desinfektan.

F. Devér Jerál Kooperasaun²⁶

Durante EE-17, PDHJ kumpri devér hodi kontinua halo monitorizasaun iha munisípiu sanulu (Ainaro, Baucau, Bobonaro, Covalima, Dili, Ermera, Lautem, Manatuto, Manufahi no RAE OA) inklui ba fatin sira ne'ebé identifika regularmente husi PDHJ konsidera fatin potesiál ba transmisaun COVID-19 hanesan: Edifisiu Públiku, Komérsiu, Vias Públicas, Funeral, Kulturál, Merkadus, Transporte Públiku, no eventu desportu sira.

Iha fatin sira ne'e PDHJ regularmente monitoriza hodi haree kona-ba kumprimentu entidades públikus sira kona-ba devér jerál kooperasaun iha âmbito combate transmisaun COVID-19. Bazeia ba rezultadu monitorizasaun PDHJ nota katak maské iha kooperasaun husi entidades

²⁵ Higienizar as mãos quando pretendam entrar em estabelecimentos comerciais, industriais ou de prestação de serviços, nos locais onde funcionem serviços da administração pública.

²⁶ Artigu 28.º husi Dekretu Governu Nú. 21/2021 27 Agostu, kona-ba devér jerál kooperasaun.

relevantes sira maibé kestaun facilidades sai nafatin iha terenu tanba laiha manutensaun hanesan instalasaun tanki beé no sabaun no mós konxiénsia pública hodi kumpri ba regra EE ne'ebé vigór hanesan wainhira comunidades sira hala'o atividades funerál, kulturál, desportu no komérsiu maioria lakumpri devér hodi koopera ba regra EE ba kombat transmissaun pandemia COVID-19.

G. Devér Espesiál Kooperasaun ba Responsavel Rejionál, Munisipál no Lider Komunitária sira nian²⁷

Dekursu EE-17, PDHJ kontinua hala'o monitorizasaun relasiona ho devér kooperasaun ba responsavel rejionais no lideransa komunitáriu sira hodi observa direta kona-ba kumprimentu hodi hala'o devér kooperasaun tuir dekretu governu hodi disemina regra EE, SS no KO prinsipalmente iha Munisípiu sira hodi prevene transmissaun moras COVID-19 iha teritóriu Timor Laran tomak.

Durante EE-17, PDHJ nota katak diseminaun ba regra EE no SS ne'ebé Governu aplika, iha seriedade husi ajente prinsipál sira hanesan lideres komunitárias, Munisipál no responsavel rejionais sira oinsa atu disemina informasoens sira ne'ebé pertinente relasiona ho prevensaun COVID-19 maibé persiza mós konsisténsia polítika husi Governu relasiona ho regra sira ne'ebé aplikavel iha EE, SS no KO hodi labele hamosu polémika ida ne'ebé bele hamenus konxiénsia comunidade einjerál relasiona ho kumprimentu ba regra no moras COVID-19 ne'ebé globalmente hamate ema barak ona espesifikamente iha Timor-Leste.

Iha parte seluk nu'udar Primeiru-Ministru Sr. Taur Matan Ruak mós hatu'o kampaña kona-ba kombat transmissaun COVID-19 liu husi media jornál²⁸ katak pandemia COVID-19 nafatin sai ameasa ba povu tan ne'e atu luta manan hasoru moras invijivel ne'e dalan úniku hodi hakotu maka povu hotu-hotu tenke simu vasina.

PDHJ mós haree iha kooperasaun responsaveis rejionais liu-liu PAM no lider komunitária ne'ebé signifikante tebes tanba iha rezultadu pozitivu hanesan iha Ermera número vasina komesa sa'e²⁹ iha fulan Outubru tanba servisu kooperasaun diak iha fulan Agostu-Setembru husi pesoál saúde no lider komunitária kona-ba kampaña vasinasaun hodi kombat transmissaun COVID-19.

²⁷ Artigu 29.º husi Dekretu Governu Nú. 21/2021 27 Agostu, kona-ba devér espesiál ba kooperasaun husi responsaveis rejionais, munisipais no lideransas komunitárias.

²⁸ Jornal Suara Timor Lorosa'e, Segunda 20 setembru 2021 (Vitoria Hasoru COVID-19, simu vasina)


²⁹ Jornal Nacional Diáriu, 04 Outubru 2021 (Número Vasina iha Ermera komesa sa'e)

PARTE III – ATIVIDADE PDHJ

Bazeia ba nia knaar no kompetência PDHJ nian ne'ebé hatuur iha Konstituisaun RDTL no Estatutu PDHJ, iha implementasaun EE-17 ne'e kontinua hala'o atividades hanesan simu kesar, halo monitorizasaun no rekomendasaun.

A. Tratamentu Kesar

Durante implementasaun EE-17 PDHJ kontinua nafatin simu kesar husi comunidade kona-ba violasaun direitos umanus no governasaun di'ak ne'ebé akontese durante aplikasaun medidas regras EE-17. Dados detalladu hatudu iha gráfico tuir mai ne'e:



Iha implementasaun EE-17 PDHJ regista kazu hamutuk sanulu-resin-walu (18) kompostu husi VDH hamutuk hitu (7) no VBG hamutuk sanulu-resin-ida (11). Husi total keixa hirak ne'e hato'o husi mane hamutuk sanulu-resin-tolu (13) feto hamutuk tolu (3) no anonima rua (2). Para aleinde ne'e hato'o keixa diretamente ka nain rasik hamutuk sanulu-resin-rua (12) liu husi karta neen (6) liu husi telefone, Email no WA laiha. No mós PDHJ simu keixa iha Dili/Nasional hamutuk sanulu-resin-rua (12), DT-Maliana laiha (0), DT-Oe-Cusse rua (2), DT-Baucau tolu (3) no DT-Same ida (1). Detallu hanesan iha gráfico mensiona.

B. Monitorizasaun

Durante implementasaun EE-17 PDHJ halo observasaun ba asuntu sira ne'ebé maka regula iha Dekretu Governu 21/2021, 27 Agostu, ne'ebé alteradu husi DG 22/2021, 9 Setembru, relaciona ho Medida Ezekusaun ba Deklarasaun EE-17, espesifikamente iha artigos 13.º (*Eventos sociais, culturais e desportivos*), 14.º (*Eventos religiosos*), 15.º (*Realização de funerais*) no 16.º (*Regras de distanciamento social*), artigu 28.º (*Dever geral de cooperação*) no mós artigu 29.º (*Dever especial de cooperação dos responsáveis regionais, municipais e lideranças comunitárias*) no mós regra SS³⁰, halo monitorizasaun mós ba kazu violasaun Direitos Umanus no violasaun Governasaun Di'ak.


³⁰ Haree iha tabela rezolusaun governu kona-ba serka sanitária, Paj. 2.

C. Intervensaun urjente liu husi rekomendasaun espesífika ba entidade sira

Hahú kedas husi EE-1 to'o mai EE-17, PDHJ kontinua nafatin halo rekomendasaun, tratamentu ba kesar no uza nia poder hodi halo mós intervensaun urjente ba entidades públicas sira hodi husu atuasaun ne'ebé respeita ba prinsipu direitus umanus no governasaun di'ak. Períodu aplikasaun EE-17 halo mós intervensaun liuhusi ható'o relatóriu no mós enkamiña keixa ba autoridades relevante sira. Intervensaun hirak ne'e maka PDHJ halo durante EE-17.

Dili, 14 Outubru 2021


Jesuina Maria Ferreira Gomes, MPA
Provedora



PARTE IV – TABELA I. REKOMENDASAUN HOSI PDHJ DURANTE ESTADU EMERJÉNSIA

ENTIDADE PÚBLICA		TIPU REKOMENDASAUN	REKOMENDASAUN
Prevensaun – Distansiamentu sosial			
MTC			PDHJ iha EE-17 kontinua rekomenada ba Governu hodi kontinua fô atensaun másimu atu determina instrusaun klaru ba entidades públicas sira hodi kontinua promove sistema kontrolu iha pontu entrada sira hanesan: fronteira terrestre Mota-Ain, Mota-Masin, Sakato, Oesilo, portu, no aeroportu, no mós kontinua suporta facilidades no ekipamentus nesesárius ba edifísiu ne'ebé fô atendiamentu públiku hodi asegura implementasaun regra prevensaun COVID-19. Iha EE-17 PDHJ kontinua rekomenada nafatin ba Governu partikularmente MAE hodi fô nafatin orientasaun klaru ba lider komunitáriu sira hodi kontinua nafatin disemina informasaun ba medidas preventivas Covid-19 ba comunidade. Desimnasaun persuasive ba comunidade kona-ba protokolu ne'ebé hala'o iha sentru saúde, ospitál, kuarentena no mós izolamentu no mós protokolu procesu funerál ema ne'ebé mate ho no tanba COVID-19, hodi hasa'e comunidade nia konhesimentu nune'e bele hametin comunidade nia fiar hodi bele kontribui ba programa hakotu korenti COVID-19 iha Timor-Leste. Konsistensia PDHJ iha EE-17 hodi rekomenada ba MAE servisu hamutuk ho autoridade lokal hanesan xefe suku, xefe aldeia atu halo dadus ne'ebé própriu no loloos kona-ba comunidade/trabalhadór lojas konstruksaun/mobiliária sira ne'ebé maka nia rendimentu hetan diariamente, hodi nune'e bele hatán ba comunidade refere nia nesesidade báziku bainhira suspende atividades hirak ne'e iha implementasaun EE tuir mai. EE-17 PDHJ firme hodi rekomenada ba Governu espesifikamente ministériu relevante sira hodi kria mekanizmu ida ne'ebé bele garante kapasidade hodi kontrola propagasaun moras COVID-19 iha Timor-Leste ne'ebé iha transmisaun lokal, no mós kontinua reforsa instalasaun ekipamentu prevensaun Covid-19, iha pontu entrada sira hanesan portu, aeroportu, fronteira terrestre, merkadu, edifísiu públiku, no fornese ekipamentu no facilidades apoiu iha sentru saúde sira ne'ebé servisu iha liña fronteira, inklui fornese máskara no fasilíta bee ba tanki sira ne'ebé instala ona iha EE-1 to'o EE-17. Haree ba número kazu ne'ebé kontinua aumenta nune'e nafatin rekomenada ba Governu atu aumenta fatin izolamentu atu bele akomoda pasiente sira.
MS	Dezenvolve regulamentu ka sistema kontrolu no fornese ekipamentus no facilidades		
MI			
MOP			
MAE Lideransa komunitáriu		Kumprimentu ba regras Estadu Emerjénsia	
Entidade fiscalizador (MEJD)		Kumprimentu regra EE no	EE-17 PDHJ nafatin rekomenada ba Governu liuliu ba Ministériu sira ne'ebé iha serbisu kona-ba atendiamentu públiku nian (hanesan Ministériu Solidariedade Sosial no Inkluzau, Ministériu Saúde, Ministériu Obras Públicas no Ministériu Edukasaun,

MSSI, MVOF...	Instataasaun lasinuaces	Juvenidade e Desportu, ISIJ au kontinua to instrusaun espesinika da enuade puonika sira hodi estabese instalasaun tanke no bee disponivel iha fatin públiku sira, fornecimentu máskara no indika pesoal movel hodi hafora sistema kontrolu iha fatin instalasaun sira.
MS MAE MSSI	Garante asesu ba rekursu ka fasilidade no mós kumprimentu ba regra medidas preventivas COVID- 19	EE-17 PDHJ kontinua rekomena ba Governu hodi fornese ekipamentus ka facilidades ba protesau hanesan máskara, <i>handsanizazer/alcol</i> ba sidadaun sira liulinu sira ne'ebé kbi it la'ek no estudante sira no mós firme nafatin hodi rekomena ba autoridade públika sira hodi kontinua halo kontrolu no manutensaun ba iha facilidades ne'ebé instala ona tuir padraun hosi organizasaun saude mundial, no mós kumpri hodi mantein distansiamentu sosial no evita halibur malu iha grupu.
SECOMS MEJD MS PA-RAEOA	Asesu ba Informasaun	EE-17 PDHJ mós rekomena ba MSSI atu kria kondisaun hanesan prepara dados ne'ebé apropriadu liuhusi via online, halo kontrolu ba autoridade seguransa iha prosesu atendimentu, fó kuota número loran ida atende tuir quota, nune'e mós molok hahu fó avizu nafatin informasaun prevensaun COVID-19 hodi ne'ebé bele fasilita atendimentu ba beneficiariu evita aglomeraun iha fatin públiku no kumpri regras EE iulinu regras prevensaun ba COVID-19.
MS, CIGC, SECOMS,	Respeita direitu privasidade	EE-17 PDHJ kontinua nafatin rekomena ba Governu atu intensifika informasaun iha nível comunidade no uza métodu ne'ebé bele iha impaktu pozitivu muda comunidade nia habalok atu bele prevene hada'ei moras COVID-19 ho susesu rekomena mós ba Presidente Autoridade RAEQA atu iha kompromisu hodi fó instrusaun ba lider komunitáriu sira hodi kontinua disemina regras Estado Emerjénsia relasiona ho medidas preventivas COVID-19 ba comunidade RAEQA.
MAPCOMS	Responsabilizasaun	PDHJ rekomena ba Governu atu garante katak informasaun kona-ba sidadaun nia identidade iha konfinamentu obrigatóriu bele fó sai de'it bainhira iha autorizasaun ka konsentimentu hosi sidadaun refere. Iha EE-17 PDHJ nafatin kontinua rekomena ba Governu partikularmente ba <i>Ministério Dos Assuntos Parlamentares E Comunicação Social</i> hodi kontinua promote koñesimentu hosi responsável média ba fatin kuarentena sira kona-ba prinsipiu autorizasaun ka konsentimentu hosi ema privadu nian atu hetan filmajen no fó sai informasaun kona-ba ninia situasaun saude nian sei depende ba autorizasaun ida-idak nian. PDHJ kontinua sujere mós ba MAPCOMS atu kria meius ida atu hamenus informasaun falsu ne'ebé espalla buras iha rai laran kona-ba COVID-19 iha Timor-Leste no mós relasiona ho vasina.
Direitu ba Asisténsia Médika iha Âmbitu Jerál		
PA-RAEOA	Garante asesu ba servisu públiku	Períodu EE-17 PDHJ nafatin rekomena ba Governu, liu-liu autoridade RAEQA, tenke garante funsionamentu ba facilidade saude iha pontu entrada sira hanesan portu Kitahara Mahata, fronteira Sakato, no Oesilo, no populasau RAEQA einjerál. EE-17 PDHJ rekomena nafatin ba Governu hodi kontinua haadi'ak liu tan servisu

MS no CGC	Hafora kapasidade	hanesan fasilidade kuarentena hodi garante tratamentu dignu, kondisaun di'ak no promove preparasaun hosi autoridade saude no mos iha orientasaun klaru kona-ba disponibilidade ai-moruk, tratamentu no ai-han ne'ebe bele garante sidadau nia saude durante tempu iha kuarentena. Nune' mos PDHJ rekomenda nafatin iha EE-17 atu Governu planeia hodi sosa materiais prevensaun hodi distribui ba fasilidades saude iha teritoriu laran inklui eskola sira nivel primaria to'o superior.
Direitu ba Al-han, Moris Adekuadu no Direitu Traballu	Implementasaun efetivu ba	PDHJ rekomenda atu halo rekrutamentu ba ofisial saude hodi bele responde atendumtu ba pasiente sira liulin ba pasiente sira ho moras COVID-19 iha sentru saude hotu-hotu iha Timor laran.
MSSI	atividade/planu	EE-17 PDHJ kontinua rekomenda nafatin ba Governu partikularmente ba MSSI hodi garante ajuda umanitaria, hanesan ai-han bazilku ba ema vulneravel sira.
Moris la ho Violensia no Asesu ba Justisa		PDHJ reaflma iha EE-17 hodi rekomenda tan ba Komandu Jerai PNTL atu kontinua promove koñesimentu PNTL ba nesesidade hodi mantein no hametin aplikasaun prinsipiu polisiaменту коммуниáriu, liuhusi kria komunikasaun di'ak ho komunidadade no atensaun espesial ba membru komunidadade sira ne'ebe vulneravel iha.
MI	Hafora kapasidade no	PDHJ mos iha EE-17 kontinua rekomenda nafatin ba Governu espesifikamente Ministeriu Interior atu iha sesaun treinaменту ba ofisiais polisia kona-ba kumprimentu ba leis no kontinua fo instrusaun klaru ba subordinadu bainhira kumpli misaun servisu iha terrenu.
PNTL	kuantidadade	PDHJ mos komprometidu iha EE-17 hodi rekomenda ba (MI) espesialmente PNTL hodi bele aumenta personil UPF iha frenteira hodi garante katak laiha movimentu ilegal.
		PDHJ mos rekomenda nafatin iha EE-17 ba Ministeriu Saude hodi kontinua destinina medidas preventivas COVID-19 hodi hasa'e konxiensia komunidadade ho servisu hamutuk MI partikularmente ba PNTL hodi kontinua halo kontrolu ba aplikasaun medidas preventivas COVID-19 ho profesionalidade la ho aktu violasaun direitus umanus.
Asesu ba Edukasaun		
MEJD	Dezenvolve regulamentu ka sistema	Iha EE-17 PDHJ komprometidu hodi rekomenda ba Governu liuhosi MEJD hodi esforsu atu promove eskola sira-nia kapasidade no mantein dixiplina hosi estudante sira bele kumpli regra medidas preventivas ba COVID-19. Para aleinde ne'e, rekomenda nafatin mos ba MEJD hodi garante katak iha orsamentu disponivel ba iha setor edukasaun hodi sosa materiais prevensaun COVID-19 no fornese fasilidades ba iha kada eskola tantu nivel primaria to'o nivel superior. Iha sorin seluk, PDHJ kontinua rekomenda nafatin ba Ministeriu Edukasaun Juventude Desportu atu mantein oras hanorin (online/prezensial) ba estudante sira iha ambitu pandemia COVID-19.
		PDHJ rekomenda atu bele estabelese prazu ba profesores no alunus hodi fila aul

prezensia iê eue reansuku hou iô oportunitade uâ eua hou-hou iê eue nakarak au hetan vasina doze daruak. Wainhira liu ona prazu refere mak bele loka aula prezensia normal no tuir oratru normal.

Atendimento Público

MS

Garante asesu ba rekursus materiais

Desiminasaun Informasaun

Iha implementasaun EE-17 PDHJ kontinua rekomena ba MS atu kontinua nafatin fô apo'u materiais prevensaun COVID-19 ba sentru saude, postu saude no ospital referal sira iha munisipiu hotu hanesan maskara, hand sanitaizer no termu scanner.

PDHJ rekomena ba Governu atu kria kondisoens hodi prepara ekipamentus ba primeiru sokoru nesesariu hodi fô apo'u lalais ba populasan sira ne'ebe hetan impaktu negatiu makas ba reasaun husi vasina atu garante intervensan ida lalais husi ekipa ne'ebe realiza vasinasan iha fatin vasina iha teritoriu Timor-Leste.

PDHJ rekomena mos ba MS ho SIJK atu halo desiminasaun informasaun ne'eb kona-ba protokolu atendimento ba pasiente iha sentru saude no hospital no mos esplikasaun klean kona-ba pasiente ne'ebe mate tamba no ho COVID-19 no mos hadi'ak prosesu funeral ba ema ne'ebe mate tamba COVID-19 ho dignu tuir protokolo OMS maibe fô importansia ba kultura.

PDHJ mos nafatin rekomena ba SIJK liin pilar relevante atu konsidera rezultadu test swab sai hanesan Guia da Marcha bainhira halo movimentu sai ba munisipiu seluk hodi bele evita konsentrasan ka aglomerasan iha CCD hodi hetan guia da marcha.

Aleinde ne'e, PDHJ mos kompremitidu hodi kontinua rekomena MS atu hare fila fali aplikasaun protokolu iha sentru saude no ospital bainhira halo atendimento ba pasiente ho kondisaun grave ne'ebe presiza atendimento emegensia ho rapida.

SAS

Garante asesu ba bee-moos

Iha EE-17 PDHJ rekomena nafatin ba Governu atu dezenvelope estratejia ida ne'ebe bele halais asesu ba bee moos ba ema hotu-hotu no garante katak komunnidade tomak sei iha asesu ba bee moos atu hatan ba nesesidade uma laran no ijene.
Akresenta mos iha EE-17 ba Governu espesifikamente SAS atu halo planu no prevee orsamentu hodi instala bee moos ba eskola sira, edificiu publiku iha teritoriu laran atu kontribui ba ema moris di'ak no ijene no indika responsavel espesifiku hodi halo kontrolu ba instalasaun sira ne'ebe estabesidu.

TABLE V - TABELA II. FAIXA MUNICÍPIAL/BAUCAN

Nu	Komêrsiu	Servicos publicos	Funeral	Evento Desporto	Mercados	Vendedores Ambulantes	Transporte publico	Culturais	Via Publica
1	Loja Leita Maliana	Direcção Nacional Servisu Água/Munispju Airaro	Hakoi male		Mercadu Shal Villa	Praa modo ilha estrada minit	Mikrolete Anguna	Cerimonia Agradecimentu	Igreja Maliana Estrada publica merkadu
2	Kompanha Atula	Sentru Saude Munispju Airaro			Merkadu Maliana	Vendedor Ambulante inha Audian	Transporte Publicu 01-012	Casamentu	Estrada publica merkadu Suai Villa
3	Loja W4 Baucan Villa Airigu	Armazen Agricultura Fumbibi Maliana			Merkadu Same				Portu Entrada Tasi Tolu
4	BNCITL Baucan	DNTT Same			Merkadu Villa nova Baucan				Portu Entrada Metinaro
5		Edifisju PAM Same							Portu Entrada Kasnatar
6		Escola CAFÉ Baucan							Estrada publica Lospalos Villa
7		ESJ Kayrala Manutic							Estrada publica Balide
8		Centru Saude Laklubar							
9		Edifisju Postu Laklubar							
10		Servisu Edukasaun Munispju Baucan							
11		Servisu SIAB Baucan							
12		Servisu Konservatoriu Rejistu Sivil Notariadu Baucan							
13		DNTT Baucan							
14		Komando PNTL Baucan							
15		Esquadra PNTL Baucan							
16		Sentru Saude HOREX							
17		Sentru Saude Lospalos							
18		Servisu Edukasaun Munispju Lautem							

Tabela Fatin Monitorizasaun

Target/Fatin	Númeru
Komersiu	4
Servisu Publiku	35
Funeral	1
Mercados	4
Vendedores Ambulantes	2
Transporte Publiku	2
Culturais	2
	1
Via Publicas	7
Total	58

		Evita Halibur Malu iha Grupu		Total
		Evita	La Evita	
Fatin monitorizasaun	Komersiu	1	3	4
	Servisu Publiku	21	14	35
	Funeral	1	0	1
	Mercados	1	3	4
	Vendedores Ambulantes	1	1	2
	Transporte Publiku	1	1	2
	Culturais	0	2	2
		0	1	1
	Via Publicas	2	5	7
Total		28	30	58

		Mantein Distansiametu Sosial		Total
		Mantein	La Mantein	
Fatin monitorizasaun	Komersiu	1	3	4
	Servisu Publiku	20	15	35
	Funeral	1	0	1
	Mercados	1	3	4
	Vendedores Ambulantes	1	1	2
	Transporte Publiku	1	1	2
	Culturais	0	2	2
		0	1	1
	Via Publicas	2	5	7
Total		27	31	58

		Uza Máskara		Total
		Uza	La Uza	
Fatin monitorizasaun	Komérsiu	2	2	4
	Servisu Publiku	26	9	35
	Funeral	1	0	1
	Mercados	2	2	4
	Vendedores Ambulantes	2	0	2
	Transporte Publiku	2	0	2
	Culturais	2	0	2
		1	0	1
	Via Publicas	4	3	7
Total		42	16	58

		Ijeni ka Fase Liman		Total
		Fase Liman	La Fase Liman	
Fatin monitorizasaun	Komérsiu	2	2	4
	Servisu Publiku	27	8	35
	Funeral	1	0	1
	Mercados	2	2	4
	Vendedores Ambulantes	2	0	2
	Transporte Publiku	2	0	2
	Culturais	2	0	2
		1	0	1
	Via Publicas	4	3	7
Total		43	15	58